

Headline	Albright pemain tunggal Sabah dalam pasukan kebangsaan		
MediaTitle	Harian Ekspres (KK)		
Date	11 Feb 2016	Language	Malay
Circulation	25,055	Readership	75,165
Section	Sukan	Color	Full Color
Page No	8	ArticleSize	197 cm ²
AdValue	RM 1,015	PR Value	RM 3,045



GL Oh

KOTA KINABALU: Albright Chong merupakan satu-satunya pemain Sabah yang dinamakan sebagai salah seorang pemain elit dalam senarai pasukan kebangsaan 2016 yang dikeluarkan oleh Persatuan Golf Malaysia bulan ini.

Pemenang pingat emas di Sukma 2012 itu ketika ini berada di tempat ketiga dalam Order Of Merit dalam ranking Kebangsaan MGA, di belakang Amir Nazrin dari Selangor dan Mohammad Alif bin Mohd Fathi dari Kuala Lumpur, disusuli oleh Daeng Abdul Rahman dari Johor Bahru, Galvin Green dari Kuala Lumpur dan Sazanur Iman dari UUM (Kuala Lumpur).

Pemain golf itu ketika ini pulang kampung untuk cuti semester pertama Universiti Utara Malaysia dan akan kembali ke Kedah untuk menyambung

pengajiannya pada minggu ketiga Februari.

“Saya akan memulakan latihan saya di bawah program Akademi Golf Kebangsaan sebagai persediaan untuk menghadapi kejohanan akan datang yang disenaraikan dalam Kalender MGA yang mungkin akan bermula pada bulan April.

“Keutamaan saya ialah untuk membuat persediaan menghadapi Kejohanan Universiti Dunia ke-16 yang akan diadakan di Brive-La-gaillardia (Perancis) bermula 23-26 Jun.”

Sementara itu, pemain berumur 19 tahun itu mengakui dia dihubungi oleh Persatuan Golf Sabah untuk memintanya menghadiri pemilihan akhir skuad Sukma negeri di Kuching, dan dia menolaknya tetapi enggan mengulas tentang keputusannya itu.